

2. ԹՈՒՄԱՆՅԱՆԻ ՔՆԱՐԵՐԳՈՒԹՅԱՆ ՄԻ ՔԱՆԻ ԳԾԵՐ

Վ. Ա. ԳԵՂՈՐԳՅԱՆ

Հայտնի է, որ Թումանյանի հիմնական տարերքը էպիկան է։ Քնարերգությունը, մասնավորապես բանաստեղծությունը, նրա մոտ ունի համեմատաբար երկրորդական, բայց և մի առանձնահատուկ նշանակություն՝ հեղինակի խառնվածքը, էնդինսկու տերմինով ասած, պաթոսը հասկանալու համար՝ այնքանով, որքանով իր ժանրային բնույթով հենց քնարերգությունը թարգմանել է ներքին այն ապրումների, որոնցով պայմանավորվում է գրողի ստեղծագործական կյանքի ընթացքը։

Այդ առթիվ ինքր՝ հեղինակը, իր մի բանաստեղծության («Բարձրից») մեջ ասում է.

Իմ բարի սրտի էն մեծ խոհերից,
էն մեծ խոհերի անհուն խորերից՝
Կամեցավ՝ ելավ իմ հզոր հոգին,
Ու բարձրից նայի Աստծու աշխարհին։

Ու ի՞նչ հաբազստ բարձունքից լույս՝
Անշար, անառն, անդուր ու անհույզ՝
Պարզ, ամենառես հայացնովո՜ւ նա
Ճառագեց ներքև աշխարհի վրա։

Սման հանրամարդկային հակումներով տոգորված բանաստեղծի «հզոր հոգին» զուրու է դառնալու աշխարհի ու մարդկության վրա։
Եվ ահա թե ինչ է բացվում նրա տեսադաշտում.

Բայց, ավա՞ղ՝

Տեսավ աշխարհի՜ր՝ ղեղեցիկ, անվերջ,

Եվ հայրենիքներն աննուկ նրա մեջ,
Եվ աստվածները սրահու զանազան,
Եվ սրբերը խիստ, խաբող ու դաժան։

Տեսավ՝ ուտում են ամենն ամենի՛ն,
Ամեն հայրենի՛ք՝ իրեն ռավալի՛ն,
Եվ ի՞նչ պա՞տողին՝ ամեն մի աստված,
Եվ կյանքը լուսնաբա՛ն, ցավ համատարած։

Ու ոչ մի երկիր չկա հանգչելու,
Խոր, արաշակուն հապիսոն անխրո՛վ,
Ու ոչ մի անկյուն չկա շնչելու
Շունչն աստվածային՝ լի անվերջ սիրով...

Ստեղծվում է դաժան մի բախում բանաստեղծի սլատկերացումների երջանիկ աշխարհների ու զարհուրելի իրականության միջև։ Այդ ներհակություններից անադորուն տվալտանքներ ու խորք անկումներ ապրելուց հետո նրա հոգին

Անպատում վշտով վերստին նայեց
Իմ էս մեծ սրտին՝ աշխարհից էլ մեծ,—
Անսահման աշխարհի, և սև ընդհանուր,
Եվ մառդը սուախ, և երդ ամենուս...

Ու իջավ նորից էստեղ փանդելու.
 Խոր, արարչական հանգիստն անխռով.
 էնտեղ հանգչելու, էնտեղ շնչելու
 էն մեծ խոհեւրով. էն անվերջ սիրով...

Ահա այստեղ և այսպես են լուծվում բանաստեղծի ներհակությունները, հասցնելով նրան հնարավոր նման մի ելքի միայն.

Եվ, հիրավի, հետագա նրա ստեղծագործության լեյտամոտիվը դառնում է իր հոգու, իր ձեռք-տումների ստեղծած «անսահման աշխարհը», ուր թափ է ընդհանուր».

Եվ մարդը ուրախ, և երգ ամենուր...

և բանաստեղծի ողջ ստեղծագործությունը շնչում է «էն մեծ խոհեւրով, էն անվերջ սիրով»...

Այս իմաստով տվյալ բանաստեղծությունը սկզբնական պատմությունն է նրա ստեղծագործական ողջ կյանքի:

Տեսնենք, թե որոնք էին իրականության այն մոայլ կողմերը, որ բացվեցին բանաստեղծի «վերից ճառագած» հայացքի լույսի տակ և ստիպեցին նրան նողկանքով երես դարձնել նրանից:

էն նամփուրդն է, նամփի տակին
 Չարչարվում է կիսամահ,
 էն ծնողն է իր դավակին
 Ողբում, կանչում... և չըկա...

Կույս աղջիկն է լլկանփի մեջ,
 Ալեուր խոր բանառում,
 էն կտրիհն է հայրենառենչ
 Խիզախ հոգին ավանդում...

«Ենոր պակաս, ուժը հատած, հազար ու մի ցավի տեր» գյուղացին է ողբում «մի տուն լիքը մերկ ու սոված մանուկների» չարքաշ գոյության պահպանման հոգսի ծանր բեռան տակ կթած, հոգիս ահով ու տազնապով լի, թե՛

Պարտաւորը վանգատ զնաց,
 Քյոխվեն կրդա կծեծի,
 Տերտերն օրհնեց, անվարձ մնաց,
 Կըբարկանա, կանիծի:

Մինչդեռ՝

էն օրն եկան բովջի արին.
 Հարկ են ուզում տերության.
 Ի՛նչ տամ կոոփն ու բեզյաոփն...

Կես գիշերային անդորրի խզումն է գյուղական խսրխուլ խրճիթից, ուր՝

Մանուկները գոռում-գոչում,
 Լալիս էին աղեկեզ.
 — Նանի, նանի սոված ենք մենք,
 Վե՛ր կաց, նանի՛, հա՛ց տուր մեզ...

Կյանքի ու առտոն անարդարությունների ձեռքին բազմաշարժար ու հիվանդ մայրիկի աղեկտուր թառանչն է, մայրիկի, որը չդիմանալով «ովալուկ բալբի անկրելի կսկիծին», աչքն է փակում հավիտյան՝ գնալու «երկնքի մեծ պապիկի մոտ», որ նրանց հաց ուղարկի, օրենքի ու իշխանության անիրավությունների բռնության տակ տնքացող ծերունու հառաչանքն է, հայրենիքի ողբը, որը իր իսկ աչքերի առջև հռչակվելով վերածվում է «ձմեռ ու սև մի հովտի», սարածության ահարկու ձենից անբիծ անդորրի ու աղոթքի խլացումն է, որով աշխարհը փոխարկվում է մի ահռելի սպանդանոցի, ուր «մարդը մարգ է գիշատում», և այս բոլորը կարծես անվերջ, փոխանցվում են սերունդից սերունդ՝ ավելի ու ավելի վատթարանալով, այնպես որ անցնող ամեն մի սերունդ գալիքի կարող է կտակել իր նախորդից ստացած մի տի-ուր պատգամ միայն.

Ապրե՛ք, երեխե՛ք,
 Բայց մեզ պես չապրեք:

Այս առաջին շրջանի բանաստեղծությունները վկայում են, որ հեղինակը հանդես է դալիս դերազանցապես իրականությունը դիտողի, նրան լսողի և ըստ այդմ վերարտադրողի դերում: Տիրապետող արտահայտման եղանակը էպիկան է. նյութը մատուցվում է մերթ հեղինակի պատմելով, մերթ բանաստեղծության հերոսի և մերթ էլ երկուսը հանդես են դալիս միասնաբար, որով ավելի արտահայտիչ ու կինդանի է դառնում մատուցվող նյութը՝ ներքին ու նկարագրական ամբողջականության մեջ:

Սակայն երկար չի տևում այս: Աստիճանաբար այն ամենը, ինչ տեսնում է նա, ցավ ու կրսկիծ է ծնեցնում արդեն, ալեկոծում է բանաստեղծի «անշար ու անաշու հոգու» անդորրությունը: մթնեցնում «վերից ճառագած հայացքի» պայծառությունը, մոայլով պատում լուսափայլ ճակատը, խափանում հանգիստը «անպտուղ օրերի» և գիշեր:սլին անդորրը, բերելով տառապանքի հոգեմաշ անվերջ գիշերներ:

Տանջվում եմ անհուն գիշերն անկողնում,
Տանջվում հուսահատ, վաստակած, տկար,
Եվ մտքերն հոգիս հանգիստ չեն բողնում,
Եվ դիշերը մութ, գիշերը երկար...

Դիտելու կամ լսելու և ըստ այդմ միայն վերարտադրելու նախորդ պատմողական եղանակին փոխարինում է սեփական հուղաշխարհում ստեղծագործության նյութն ապրելու և, ըստ այդմ, որպես իր սեփական ապրումը դրսևորելու քնարական (բառիս արդեն բուն նշանակությամբ) եղանակը: Ստեղծագործության մեջ իրեն օրյակտ հանդես եկող «նա»-ն կամ «էն»-ը տեղի են տալիս կամ «ես»-ին ամենասերտ ու անմիջական օրգանական առնչությամբ արտաքին աշխարհի հետ և կամ հալված-համաձուլված երկուսի միասնական արտահայտություն «մենք» քնարական հերոսին:

Ահա այս շրջանի համար բնորոշ մի գողտրիկ օրինակ.

Հայոց վիշտը անհուն մի ծով,
Խավար մի ծով ահագին,
Էն սև ծովում տառապելով
Լող է տալիս իմ նոցին:

Մերք զայրացկոտ ծառս է լինում
Մինչև երկինքը կալգուտակ
Ու մերք հոգնած սուղվում, իջնում
Դեպի խորքերն անհատակ:

Հայրենի երկրի խորախոր վիշտը բանաստեղծի հոգում կարծես վերածվում է հոգևարքային տառապանքի: Նրա վշտի անհուն ու սև ծովում լողալով, բայց ոչ մի ելք չգտնելով, բանաստեղծն այժմ ինքն է առնում այդ վշտի անհուն ու սև օվկիանոս իր մեջ և չիմանալով ո՞ր գնալ, ի՞նչ անել, ու՞մ դիմել, զայրախառն հուսահատությամբ հառաչն է հեծեծում դեպի երկինք.

Տե՛ր, մինչև ե՛րբ մեր աչքերը բեզ մնան.
Մեր գույժն հասնի՞մ հեռո՞ւ-հեռո՞ւ ազգերին,
Աշխարհ լցվեց մեր աղաղակ, մեր կական,
Ու չի անցել մեր տանջանքը տակավին:

Աստծուն դիմելով սակայն նրա հոգում կրկին արթնանում է մինչև այդ ուժաթափությունից ասես թմրած կսկիծը, մի կողմից, մյուս կողմից էլ, այդ արթնացած կսկիծը հիշեցնել է տալիս նրան՝ ամենքի կողմից աստծուն ամենագուր ու ամենազոր բարերարի համարումը, մինչդեռ այդ ողջ եղեռնն ու հրեշագործությունները կատարվել են նրա իսկ աչքի առաջ, իսկ ի՞նչ է արել նա մինչև այժմ, որպես ամենագուր բարերար, իր ամենազոր ուժով, չէ՞ որ այդ հրեշավոր եղեռնի թշվառ, անմեղ զոհերը չեն մոռացել նրա ողորմածությունը պատմել, օրհնել ու աղոթել նրան: մինչև իսկ հոգևարքի վայրկյաններին:

Ահա հոգեկան այս խռովքի պահին է, որ րանաւտեղծը ողբաձայն հառաչն է ուղարկում անցյալի՝ իր այդ դրության համեմատ թերևս երանելի թվացող նախորդներին:

Կարծես նրանք միայն համեմատաբար զերծ լինելով այն հուսախարությունից, որ ապրում է բանաստեղծի ժամանակակից սերունդը, ընդունակ կլինեն հասկանալու, ավելի շուտ, իրենց

համեմատաբար անվթար հոգում տեղ կունենան բնդունելու ու ապրելու այդ վիշտն ու տառապանքը, դրանով իսկ փոքրիշատե սփոփելու, թեթևացնելու նրան.

Նրանի՜ չե՛մ երգ, զովվա՛ծ երգիչներ,
Դուք երգում էիք վաղ առավոտյան,
Ներ ու երազներն ապրում էին դեռ,
Ոսկի երազներն հսկի փրկության:

Ա՛խ, նա հռչակվեց մեռ աշի՛ն առջև,
Սվ մեռ գգայուն սրտերն էլ ի՛ր հետ.
Ոսկի երազներ մի՛րաժի նման
Մեռ անապատում չփացան անհետ:

Այնքան պարզ ու անմիջական են հնչում պոետի խոսքերը, որ առանձին մեկնաբանության կարիք չկա: Այստեղից միանգամայն բնական է ու հասկանալի նրա անցումը հոռետեսություն չնշող ինտիմ քնարերգությանը, այնքանով, որքանով այդ անողորմ աշխարհում «կրտսդնով կյանքի ամեն կապերից», իր «սիրած մարդկանց ու լավ հույսերի գերեզմանների շարքերի միջով» «անպտուղ, տխուր ու տաղտկալի օրերի» «ունայն տրտունջով» անցնող պանդուխտ ու հալածական, հուսալքված բանաստեղծի համար՝ այդ բոլորից կործանված իր ներքնաշխարհն էր մնում հենց այդ բոլորից զարչանքով շրջած հայացքի միակ հանգրվանը, պոետի ուշադրությունը փոքրիշատե զբաղեցնողն ու դրանով իսկ ստեղծագործության առժամանակյա առարկան.

Պանդուխտ եմ, փուրիկ, մանուկ օրերից.
Գնում եմ դեպի մի անհայտ երկիր՝
Կտրված կյանքի ամեն կապերից.
Մենակ, տառապի:

Հալածում են ինձ անցած օրերը,
Ներկա ժամերը հանգիստ չեն տալիս.
Հոգնած են վաղուց իմ բույլ ոտները,
Ու սիրտս ավելի:

Ես էլ վիրավոր զնում եմ փախած՝
Անհայտ օրերի խավարի ընդդեմ,
Ամենից զզված, ամենին բողած,
Քեզ էլ կը բողենամ...

Իրականությունն այլևս ոչինչ չունի իր մեջ պահած «մի անհայտ երկիր ձգտող» բանաստեղծի հոգուն բավականություն տալու համար, բացի այն ամենը, որ նրա համար միայն տառապանք են բերում, կորուստ ու կսկիծ, այն ամենը, որ զզվեցնում, վանում, օտարում են մարդուն, կտրելով կյանքի բոլոր կապերից, սովաւաճության դասապարտված հոգին մատնելով անհանգրվան հալածական պանդխտության, այն ամենը, որոնց ամբողջությամբ ստեղծված դաժան բանտում փոքրիշատե ազատ ու երջանիկ կարող է զգալ իրեն միայն նա. ով որ «քնած ապրում է հանգիստ երկրի մի խորշում», որի երազներն ու ձգտումները սահմանափակվում են այդ խորշերի շրջանակներում, և ով կարող է նրա՝ այդ իրականության, յատուցած խղճուկ փշրանքներից բավարարված, զոհունակության ժպիտով աչքերը ձայել: Իսկ բանաստեղծը, որ վաղուց արթնացած՝ «հայացքը անհայտին է ու հեռուն», միայն պիտի հոգնի «աւհույս կարոտից, անվերջ ցանկալուց», «տառապի ու կսկծա, «ունայն տրտունջով» անցկացնելով կյանքի «տխուր ու ձանձրալի, անպտուղ օրերը», ապրելով հուսալքության անամբռ տվսյա տանքները:

Սակայն ամենքի համար անձնուրաց, բայց և ամենից միայն խաբվելով ու տանջվելով, ամենքից վրդովված ու փախած, դատարկյուն եղած բանաստեղծը մենակության մեջ էլ չի կարողանում փոքրիշատե հոգեկան բավականություն ու հանգիստ գտնել: Ավելին. այդ անխուսափելի փախուստն ու մենակությունը նրա հոգին լցնում են միայն դառը, անպատում ցավով, հնչելով այնտեղից որպես նրա հոգու տրտունջի ոգրալի ձայներ, նրա համար, որ

էլ ո՛ւմ առաջին սիրտդ բաց անես,
Ո՛ւմ համար երգես սրտալի երգեր.

Ո՛ր չֆին սիրես, կյանքդ նվիրես,
էլ ինչպես ապրես անսեր, անընկեր...

Ահա թե ինչն է լցնում նրա հոգին գաղություն ու կսկիծ, ահա թե ինչից է ողբում ու տրտնջում բանաստեղծը. քանզի ամենքը միայն.

Չնչեն մարդուկներ, լրբորեն հանդիստ,
Անսիրտ, փոփրոզի, զծծի ու կոպիտ.
Մեռնում են մարում նրանց հայացքից
Եվ հոգու ձգտում, և սրտի ժպիտ:

Դրանով էլ հենց

Ստաբ ևն շուրջ ու շեն հասկանում
Ոմանք քո վիշտը, ոմանք քո լեզուն:

Այստեղ խիստ բնորոշ է ու կարևոր Թումանյանի աշխարհայացքը, ըստ որում և ստեղծագործության պաթոսն ու նույնիսկ ստեղծագործական խառնվածքը հասկանալու համար.

Անտաքեր զալիք երջանիկ օրին.
Չգիտեն նրա կարոտը անում...

Այսպիսով, գորշ ներկայում հոռետես լինելով հանդերձ, նա չի կորցրել մարդկության երջանիկ ապագայի հավատը, նրա հորիզոնում վառ է մնացել հեռավոր հուսո մի արև, որը թեև հաճախ մոռյլ ամպերը կիտելով սև ու անթափանց խավար՝ ծածկել, աներևութացրել են իրենց հետևում, բայց միայն ծածկել ու աներևութացրել և ոչ երբեք մարել հավիտենապես:

Եվ այս բանաստեղծությունը («Տրտունջ») բնորոշ է հենց նրանով, որ, մի կողմից, այս կամ այն չափով ամփոփում, ընդհանրացնում է իր մեջ նախորդ հուսահատական բանաստեղծությունների անկումային տրամադրությունն ու սպրումները, իսկ, մյուս կողմից, դրսևորում է բանաստեղծի երջանիկ ապագայի նկատմամբ անեցած հավատը. մի կողմից, ներկայացնում է պոետի երկնքում մոռյլ ամպերի կիտած սև ու անթափանց խավարը, մյուս կողմից, նրա մի պատվածքից ցայտումն է ցուցադրում հետևում թաքնված հուսո ճառագայթները:

Այս հանգամանքը խիստ բնորոշ է Թումանյանին ու որոշիչ նրա աշխարհայացքի ձևավորման համար: Վերջենք հենց նույն շրջանում գրած նրա մի այլ, «Հայոց լեռներում» բանաստեղծությունը.

Մեր ճամփեն խավար, մեր ճամփեն զիշեր,
Ու մենք անհատնում
էն անլույս մթնում
Երկար դարերով գնում ենք դեպ վեր
Հայոց լեռներում,
Դժար լեռներում:

Այսպես և շարունակվում է բանաստեղծության դառը, մոռյլ ու դաժան շունչը. բայց

Ու մեր աշխեր նայում են կարոտ՝
Հեռու աստվերին,
Երկնքի ծերին,
Թե ե՛րբ կբացվի պայծառ առավոտ՝
Հայոց լեռներում.
Կանաչ լեռներում:

Իսկ քիչ ավելի ուշ, մանավանդ երբ արդեն նա դուրս էր եկել վերահիշյալ հոգեկան ճգնաժամից, ավելի է ամրանում նրա հավատը և տեսք, թե ինչպիսի անսասան շեշտով է հնչում այն «Հայրենիքիս հետ» բանաստեղծության մեջ, թեև այն գրված է 1915 թվականին, երբ թուրք մարդախողիտողների կողմից կատարված էր հայկական անօրինակ եղեռնը.

Ու պիտի զա նանուր կյանքի արշալույսը վառ հագած,
Հազար-հազար լուսապայծառ հոգիներով ճառագած,
Ու երկնահաս քո բաժնունքին, Արարատի սուրբ լանջին.

Կենսաժպիտ իր շողերը պիտի ժպտան առափն,
 Ու պոետներ, որ չեն պղծել իրենց շուրթերն անեծքով,
 Պիտի գովեն քո նոր կյանքը նոր երգերով, նոր խոսքով.
 Իմ նոր հայրենիք,
 Հգոր հայրենիք...

Եվ վերջապես, այս տեսակետից խիստ բնորոշ է Նրա նախորդ ստեղծագործական շրջանի մի քանաստեղծություն.

Նրանուրյուն էր խոստացել հույսս ինձ,
 Սակայն չգտա նրան կյանքի մեջ.
 Բայց չեմ վհատել. անսպաս մի իդձ
 Գեո ինձ մղում է զեպ հառաջ անվերջ:

Հառաջ, կովելով. և կդա մի օր,
 Ու կրնկնի ներկան վատշվեր. դաժան.
 Նրա ավերի վերս փառավոր
 Լկազան լուսո կկանգնի նրան:

Սակայն հարց է ծագում. ինչո՞վ բացատրել հապա այն հանգամանքը, որ քանաստեղծը ներկայի մեջ հասնելով նույնիսկ անհուսալի հոռետեսության, ի վերջո չի կորցնում հավատը ապագայի նկատմամբ:

Թումանյանի ստեղծագործություններն ուսումնասիրելիս անմիջապես աչքի է դարձում մի հիմնական երևույթ. — Նրա ստեղծագործությունների, ըստ որում և աշխարհայացքի ու գազափարների «անանձնական» բնույթը, մի հանգամանք, որով նա կատարյալ հակավորակ է ներկայացնում Բայրոնին, թեև մենք իր տեղում նշեցինք բայրոնյան որոշ տրամադրությունների առկայություն Թումանյանի ստեղծագործություններում: Իսկ ինչով բացատրել այդ Անշուշտ, մի կողմից, նրանցից յուրաքանչյուրի ապրած հասարակական-քաղաքական միջավայրի նրանց վրա ունեցած ներգործության բնույթով, իսկ մյուս կողմից, այդ ներգործման բնույթը նաև ինքնին պայմանավորող նրանց մարդկային խառնվածքով:

Բավական է հիշել, որ Բայրոնը ապրել ու ստեղծագործել է միանգամայն որոշակի հասարակական հողի վրա, և այդ հասարակայնորեն որոշակի ու հաստատուն՝ քանաստեղծի հայրենիքը իր ձեռքին սեփական ամրացված իշխանություն ունենալով. միաժամանակ բռնապետ էր նաև ուրիշ ժողովուրդների ու նրանց հայրենիքների վրա. այնպես որ հայրենյաց ազնիվ զավակի օգնության նա բնավ կարիք չուներ, որպեսզի շարժեր նրա հայրենասիրական խիղճը, ձգեր իրեն, ամրացներ իրենով պայմանավորված որոշակի հասարակական-քաղաքական իդեալների: Ընդհակառակը, իր այդ իշխանությամբ հենց նա բռնապետ էր նաև իր սեփական ժողովրդի վրա, հնարավոր չափով խեղդելով մարդկային անհատականության ազատությունն ու իրավունքները՝ հօգուտ պետական ամրացված իշխանության: Դրանով էլ հենց նա կարող էր միայն վանել, օտարել իրենից իր ազնվահոգի ու ազատատենչ զավակին, հասցնել նրան ներանձնացման, անհատապաշտական տրամադրությունների և այն բանին, որ իր մեջ հարազատ ու նրան փոքրիշատե բավականություն տվող ոչինչ չունենալով՝ մղեր տիեզերական անհագ ու անհանգիստ գեզերումների...

Մինչդեռ որքան էլ Թումանյանի պայծառ հայացքը «անհայտին ու հեռուն» հռոված լիներ, որքան էլ նրա սիրտը լիներ «անհունները թափառելիս», միևնույն է, չէր կարող սառնասրտորեն դիտել ու անտարբեր մնալ իր իսկ աչքի առջև հոշոտվող, «սև ու սուգի մի հովտի» վերածվող հայրենիքի վշտին, լլկանքի ու սովամահության, սրի ու հրի մատնված հայրենակիցների աղեկտուր թառանչին...

Վաղուց քեզ իմ հայացքը անհայտիս է ու հեռվում,
 Ու իմ սիրտը իմ մափի հետ անհուններն է քավառում.
 Բայց կառոտով ամեն անգամ երբ դառնում եմ զեպի քեզ՝
 Մղկտում է սիրտս ասվե՛ր. քո քառանդից աղեկեզ.
 Ու գաղթական զավակներիդ լուս շաբերից ուծասպառ.
 Եվ գյուղերից, և շենքերից՝ տխուր, դատաւել ու խավար.
 Զարկված հայրենիք,
 Զրկված հայրենիք:

Ահա թե ինչն է և ինչպես բանաստեղծի «անհայտին ու հեռուն» հառված հայացքն ու «անհունները թափառող սիրտը» ձգում դեպի ինքը, կապում իրեն, ստիպում ապրել իր հետ, իրենով, իր կյանքով:

Թումանյանի երբեմնի սերը Բայրոնի նկատմամբ հեռեանք է ոչ թե նրանց կատարյալ հոգեհարսդատության, այլ այն վշտալի տրամադրության: առհասարակ, որով համակված են նաև բայրոնյան ստեղծագործությունները: Եվ դա միանգամայն բնական է: Թումանյանի այդ շրջանի հոգեկան ձգնաժամը ստեղծում է հուսախաբված հոռետեսական մի տրամադրություն, որը, իսկապես, էությամբ բոլորովին տարբեր լինելով բայրոնիզմից, առերևույթ շատ նման էր նրան:

Սակայն այստեղ մեզ համար կարևոր է մի հանգամանք. որքան էլ Բայրոնի իդեալները իրենց բնույթով լինեին անհատապաշտական, միևնույն է, այդ անհատը, նույնիսկ իր մենակության մեջ (գուցե և դրանով հենց ամենից ավելի) անխուսափելիորեն պայմանավորված է գոյություն ունեցող հասարակական հարաբերություններով: Հենց այդ պատճառով էլ իրագործել իդեալը տվյալ անհատի նկատմամբ, նշանակում է վերափոխել իրականությունը համապատասխան ձևով, վերափոխել այնպես, որ այդ անհատը կարողանա ազատ ու անկաշկանդ հանդես դալ հասարակության մեջ, կարողանա ինքնակամ տնօրինել իր կեցությունը: Հենց դրանով էլ Բայրոնի անհատապաշտական գաղափարները ոչ թե ազատում են նրան իրականությունը վերափոխելու ծանր անհրաժեշտությունից, այլ ավելի հրամայական են դարձնում դրա պահանջը, ավելի մեծացնում վերափոխման բովանդակությունը:

Սակայն ի՞նչ կարող էր ունենալ նա որպես միջոց իրականության այդ անհրաժեշտ վերափոխման, իր այդ անհամեմատ մեծացած իդեալների իրականացման համար, ի՞նչ — եթե ոչ միայն ամենքից ու հասարակությունից կտրված, ներանձնացած մոռյլ ու մենավորիկ իր անհատին, մի այդպիսի վիթխարի ու հրեշավոր իրականության դեմ. մի հանգամանք, որը չէր կարող նրան զգալ չտալ իր անգործությունն ու, եթե կարելի է ասել. ընդվզման անմտությունը:

Նույնիսկ բոլորովին հակառակ է Թումանյանի մոտ, նրա մի կործանվող ժողովրդի զավակ լինելու և այդ ժողովրդի հետ հոգով, էությամբ հալվելու-ծուլվելու հանգամանքը ոչ թե կործանում է տանում նրան, այլ, ընդհակառակը, դառնում է նրա փրկության գրավականը:

Եվ այդ միանգամայն հասկանալի է:

Դրանով հենց, հակառակ Բայրոնի, նա սահմանափակվում է որոշ անհամեմատ ավելի նեղ և գործող իրականության շրջանակներում այս կամ այն չափով տեղավորվող կոնկրետ հասարակական իդեալներով. մի կողմից, այդ իդեալների նեղության, կոնկրետության պատճառով նրանց իրականացման հեշտության, մյուս կողմից, նրանց ունեցած հասարակական բնույթի պատճառով հենց իրականացման համար հասարակության վրա հենվելու, հասարակությանը իրեն հուղ, իրեն մի վիթխարի միջոց ունենալու հանգամանքը նրա համար հաստատում են այդ իդեալների երբեք իրականացման հնարավորության հավատը:

Եվ այդ հավատը դառնում է առհավառյա Թումանյանի համար, իրականությունից զզվելով՝ ապաստանելու իր հոգում, ապրելու այնտեղ ստեղծած իդեալական աշխարհով և մարմնավորելու այն իր ստեղծագործությունների մեջ: Դրա համար նա թեմաներ է ընտրում մե՛րթ նահապետական, մե՛րթ հեթաթեների հրաշալի, մերթ լեզենդար ու առասպելական աշխարհներից, որոնց հերոսները հասարակ կամ դյուցազնական, առօրեական կամ արտասովոր մարդիկ են, որոնցից ոչ մեկն է ինքը՝ հեղինակը, բայց, վերջին հաշվով, ամեն մեկը այս կամ այն դրսևորումն է այն իդեալականի, որ ունի նա մարդու ու մարդկության նկատմամբ:

Դրա յուրօրինակ մի արտահայտությունն է նաև նրա անցումը մանուկների անմեղ ու կուսական, կենսուրախ ու զվարթություն շնչող, իրականության աղտեղություններից դեռևս անվթար մնացած հոգեպարար աշխարհը և նրա խոր ու բազմակողմանի, սիրալիր դրսևորումը բանաստեղծի կողմից: Եվ վերջապես այդ ոգով է տոգորված ամբողջապես նրա կյանքի փիլիսոփայությունը:

Ահա այսպես են լուծվում Թումանյանի ներհակությունները, այս ձևով է որոշվում նրա ելքը հոգեկան հասունացած ճգնաժամից: